

MØTEBOK FOR VESTRE SLIDRE FJELLSTYRE

Sak nr: 3/2006

Møtedato: 01.02.06

Arkiv nr: S 639

S 639, Sørre Trøllhøvd – søknad om tilbygg på sel

Kari Hildur Hilmen søker om å få bygge på selet med 30 m². Selet er frå før 26 m². Grunnriss er lagt ved søknaden.

Statskog skriv i e-post datert 15.6.05. følgjande: *Dersom de fortsatt har beitedyr eller høster stølsvollen ut fra eget bruk avgjør fjellstyret søknad og jeg har ikke merknader til utvidelsen av selet dersom fjellstyret mener det er behov for dette.*

Bygging på støl i bruk skal behandlast etter § 13 i stølsforskriftene der det heiter:

Etter søknad som fjellstyret avgjer, kan seterbrukaren setje opp hus for ei rasjonell utnyttning av utvist seter. Fjellstyret skal taka stilling til kva slag og kor mange hus som trengst, deira storleik og standard eller anna, og det kan setje vilkår. Før fjellstyret gjer vedtak skal saka leggjast fram for Statskog til fråsegn.

Dersom fjellstyret vil krevje at hus som alt står, skal rivast, må saka føreleggast for regional kulturminneforvaltning til fråsegn før fjellstyret gjer vedtak. Det same gjeld ved endring eller utviding av hus på seter.

I sak 31/05gjorde fjellstyret følgjande vedtak:

I staden for å sende sakene til regional kulturminneforvaltning for å vurdere utforming av bygningane, kan fjellstyret ta ei vurdering av søknaden. Før fjellstyret kan gjera dette, må det leggjast fram teikningar av hus med tilbygg.

Fjellstyret er innstilt på at søkjaren får løyve til få føre opp tilbygg på 30 m². Før fjellstyret kan ta endeleg stilling til søknaden, må det leggjast fram teikningar av hus med tilbygg.

I brev datert 8.1.06 er teikningar oversendt fjellstyret.

Vedtak:

Fjellstyret finn at det er behov for det omsøkte bygg og godkjenner søknaden etter § 13 i stølsforskriftene.

Fjellstyret si godkjenning er berre gyldig på vilkår av at kommunen godkjenner søknaden. Dersom bygginga ikkje er starta opp innan 3 år fell løyvet bort.

Vedtaket er einstemmig.

Vestre Slidre fjellstyre den 2.2.06.

Harald Ranum
sekretær

Utskrift: Kari Hildur Hilmen
Vestre Slidre kommune
Statskog